



Odbor za urbanizam i upotrebu lokalnog zemljišta

Broj: 04-GV-04-1725/21
Sarajevo, 22.12.2021. godine

ZAPISNIK O RADU
DEVETE SJEDNICE ODBORA ZA URBANIZAM I
UPOTREBU LOKALNOG ZEMLJIŠTA
održane 22.12.2021. godine

Prisutni:

1. Aida Koluder - Agić, predsjedavajuća Odbora
2. Ismir Smajić, zamjenik predsjedavajuće
3. Salih Išerić, član
4. Sandra Toskić, član
5. Danijela Šahat, članica
6. Elvedin Korora, član

Odsutan: Fikret Jakupović, član (najavljeno odsustvo)

Sjednici iz Stručne službe Gradskog vijeća Grada Sarajeva prisustvuje:

- Zinaida Beširević, šef Odjeljena za stručne poslove

Sjednici prisustvuju i:

- Elvir Hadžiahmetović, pomoćnik Gradonačelnice za lokalno poslovanje
- Arijana Musić, ispred Gradske službe za urbano planiranje, investicije, stambene i komunalne poslove,
- Nermina Suljević, ispred Gradske službe za lokalno poslovanje i razvoj grada

Predsjedavajuća Odbora je otvorila sjednicu u 12.36 sati, pozdravila prisutne i utvrdila kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu Osme sjednice Odbora za urbanizam i upotrebu lokalnog zemljišta Gradskog vijeća Grada Sarajeva, održane 14.12.2021. godine.

Na prijedlog Predsjedavajuće, jednoglasno je usvojen sljedeći dnevni red:

1. Nacrt Strategije razvoja Grada Sarajeva 2021.-2027.
2. Tekuća pitanja

TAČKA 1.

Nacrt Strategije razvoja Grada Sarajeva 2021.-2027.

Uvodno izlaganje podnio je Elvir Hadžiahmetović, pomoćnik Gradonačelnice za lokalno poslovanje.



U raspravi su učestvovali Aida Koluder - Agić, predsjedavajuća Odbora i Ismir Smajić, zamjenik predsjedavajuće, te je Predsjedavajuća konstatovala da će Odbor u javnoj raspravi o Nacrtu Strategije dati svoje prijedloge, primjedbe i sugestije.

Poslije uvodno izlaganja i rasprave, na prijedlog Predsjedavajuće, Odbor za urbanizam i upotrebu lokalnog zemljišta jednoglasno je usvojio sljedeći **zaključak**:

Odbor za urbanizam i upotrebu lokalnog zemljišta sugeriše Gradskom vijeću Grada Sarajeva da razmatra *Nacrt Strategije razvoja Grada Sarajeva 2021.-2027.* kako je predložen i uputi ga u javnu raspravu.

TAČKA 2.

Tekuća pitanja

Arijana Musić, ispred Gradske službe za urbano planiranje, investicije, stambene i komunalne poslove je upoznala članove Odbora da je održan sastanak u Zavodu za planiranje razvoja Kantona Sarajevo, na koji je direktor Zavoda pozvao Gradonačelnicu, Predsjedavajućeg Gradskog vijeća, načelnike četiri gradske općine i predsjedavajuće općinskih vijeća. Sastanak je organizovan na temu „Studija o urbanim ventilacionim koridorima i uticaju visokih zgrada“ i „Odluka o proglašenju historijskog urbanog krajolika Sarajeva nacionalnim spomenikom BiH“.

Učesnici sastanka su dogovorili da upute Vladi Kantona Sarajevo zajednički zahtjev ili inicijativu u cilju donošenja urbanih pravila koja bi važila do konačnog usvajanja Urbanističkog plana, te kako bi Vlada Kantona Sarajevo uputila Skupštini Kantona Sarajevo zahtjev o stavljanju van snage zaključka Skupštine Kantona Sarajevo o primjeni mjera zaštite ventilacionih koridora.

Također je upoznala članove Odbora da su i Predsjedavajući Gradskog vijeće i predsjedavajući općinskih vijeća četiri gradske općine pozvani da budu potpisnici zahtjeva ili inicijative.

Predsjedavajuća Odbora je sa zadovoljstvom konstatovala da su na ovaj način prepoznate i priznate sugestije koje je Odbor za urbanizam i upotrebu lokalnog zemljišta donio na Sedmoj sjednici održanoj 17.11.2021.godine, i koje su u formi zaključaka dostavljene Gradskom vijeću Grada Sarajeva kao sastavni dio Nacrta programa rada Gradskog vijeća Grada Sarajeva za 2022 godinu.

Zinaida Beširević, šef Odjeljenja za stručne poslove, je prisutne takođe upoznala da je Gradsko vijeće Grada Sarajeva na Devetoj sjednici održanoj 01.12.2021. godine usvojilo zaključke koje je Odbor za urbanizam i upotrebu lokalnog zemljišta donio na Sedmoj sjednici održanoj 17.11.2021. godine prilikom ramatranja Javne rasprave o Nacrtu Programa Gradskog vijeća Grada Sarajeva za 2022. godinu, te su isti dostavljeni dana 21.12.2021. godine na protokol Kantona Sarajevo i to Skupštini Kantona Sarajevo, Vladi Kantona Sarajevo i Ministarstvu komunalne privrede, infrastrukture, prostornog uređenja, građenja i zaštite okoliša.

PREDSJEDAVALJUĆA ODBORA

Aida Koluder-Agić, s.r.

Predsjedavajuća Odbora je u 12.58 sati zaključila rad Devete sjednice Odbora za urbanizam i upotrebu lokalnog zemljišta Gradskog vijeća Grada Sarajeva.